

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), a nakon provedenog postupka nabavke putem konkurentskog zahtjeva, zaključen je:

U G O V O R

o nabavci i ugradnji klima uređaja

Između:

1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktorica Elvira Habota, (u daljem tekstu: Ugovorni organ)

i

2. O.D. AD FROST SARAJEVO, vl Dedić Armin, Sarajevo, ulica Porodice Foht broj 150, kojeg zastupa vlasnik Dedić Armin (u daljem tekstu: Prodavac)

Član 1.

1) Predmet ovog Ugovora je nabavka i ugradnja klima uređaja (u daljem tekstu: oprema), za potrebe Direkcije za evropske integracije po osnovu provedenog konkurentskog zahtjeva, po ukupnoj cijeni ponude u iznosu od 32.526,00 KM bez PDV-a.

2) Predmet ovog ugovora je nabavka i ugradnja klima 15 (petnaest) unutrašnjih zidnih klima i uređaja 5 (pet) vanjskih jedinica na trećem spratu objekta u ulici Đoke Mazalića broj 5 odnosno na adresi Ugovornog organa.

Sastavni dio ovog Ugovora je Ponuda Prodavca od dana 15.12.2025. godine, sačinjena prema zahtjevu za dostavu ponuda, sa svim tehničkim karakteristikama opreme sadržanih u Obrascu za cijenu ponude.

Član 2.

1) Prodavac se obavezuje da će isporuku opreme izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

2) Ugovorni organ je dužan da dostavi pisano obavještenje o svakom navodnom propustu Prodavca po ovome Ugovoru.

3) Ugovorni organ će utvrditi razuman rok za ispravku propusta Prodavca u smislu izvršene nabavke.

Član 3.

1) Prodavac se obavezuje na isporuku i ugradnju opreme u roku do 90 (devedeset) dana od dana obostranog potpisivanja Ugovora.

2) Prodavac se obavezuje da će oprema biti isporučena u skladu sa standardima proizvođača, odnosno sa svim tehničkim karakteristikama propisanim od strane proizvođača originalne opreme, prema tehničkoj specifikaciji iz Obrasca za cijenu ponude.

3) Prodavac se obavezuje da će voditi građevinski dnevnik i građevinsku knjigu u skladu sa važećom zakonskom regulativom koja reguliše predmetnu oblast, te Ugovornom organu uz fakturu dostaviti projekat izvedenog stanja.

4) Prodavac se obavezuje izvršiti testiranje i puštanje opreme u rad.

- 5) Prodavac se obavezuje da prihvata uslove roka plaćanja do 15 (petnaest) dana od dana prijema fakture Ugovornom organu za izvršenu isporuku i ugradnju, ukoliko isporučena ugrađena oprema bude zadovoljila svojim kvalitetom, te prihvata, da ukoliko isporučena i ugrađena oprema ne bude zadovoljila svojom kvalitetom, dužan je postupiti po reklamaciji odmah po dobijanju obavijesti o neispravnosti. Nakon otklanjanja nedostataka na ime reklamacije od strane ponuđača, Ugovorni organ će pristupiti plaćanju.
- 6) Prodavac se obavezuje na nepromjenjivost cijene tokom cijelog ugovorenoga perioda.

Član 4.

- 1) Prodavac se obavezuje dati garanciju proizvođača za isporučenu opremu minimalno 36 (tridesetšest) mjeseci.
- 2) Prodavac se obavezuje tokom garantnog roka na vrijeme odziva tehničkog servisa maksimalno 24 sata od prijave kvara, ne računajući dane vikenda.
- 3) Prodavac se obavezuje tokom garantnog roka da se u roku od 48 sati od dijagnosticiranja kvara isti ukloni, a u slučaju da to nije moguće, obavezuje se odmah izvršiti zamjenu tehnički neispravne opreme.

Član 5.

- 1) Prodavac se obavezuje dostaviti opremu Ugovornom organu, propisanog kvaliteta, u traženim količinama i u dogovoreno vrijeme.
- 2) Prodavac se obavezuje da će sva oprema koju će isporučiti Ugovornom organu biti označena i deklarirana u skladu sa važećim Zakonom o standardizaciji, Zakonom o vanjsko-trgovinskom poslovanju, te drugim važećim propisima.

Član 6.

- 1) Ovaj Ugovor se može raskinuti na osnovu sporazuma ugovornih strana.
- 2) Ovaj Ugovor može se raskinuti i jednostrano i to iz sljedećih razloga:
 - a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;
 - b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;
 - c) drugih razloga u skladu sa važećim zakonima.
- 3) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.
- 4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz ugovora, ovaj Ugovor će se smatrati raskinutim.

Član 7.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje 6 (šest) mjeseci po zaključenju istog.

Član 8.

- 1) Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Suda Bosne i Hercegovine.
- 2) Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 9.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 31.12.2026. godine.
- 2) Ovaj Ugovor stupa na snagu danom potpisivanja obje ugovorne strane.

Član 10.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

Prodavac
Vlasnik
Dedić Armin

Broj:

Datum, 30.12. 2025.

OBRTNIČKA DJELATNOST
<<AD FROST>>
VL: DEDIĆ ARMIN
PORODICE FOHT 150
71000 SARAJEVO



Broj:

Datum,

05-IM-16-473-25-28/25

30.12.2025. godine.